

E, veche ushtela. Spokoyno zhala, bashalela, gilyabela. Ov spokosaylo veche katar o khul.

Akana chhorena veche. Nali ale goste. Beshna te han o manusha.

– U-u-u! Mandzhata mirishe na gomna!

Lena, khidena, khidena.

– Khandela i armi khulende! Khandela i armi khulende!

Khidena, khidena koya zumi, thoona ando kazani. Zhana, chhienale ko bokluki. I lel, nakhla o komshiki guruni. Nakhla, hala kole zumyatar. Hala li o khul. Khay preberinela pes. Geli I korahni te doshel la. I korahni doshel la. I phenla lake horahanesh:

– Ey, horahniye, – phenla – ma tside ma kola!

Nali kay tsidela lake chuchya. I horahni dikhla la i phenel:

– Katar avela mange kova glasos?

Evkar, duvar. Dinyas nashiba, geli pash o horahay. Phendyas:

– Me kekala gurunya na doshava! Oy si bengali guruni!

– A, chhe, romniye! Kibor si bersha i guruni amende?

– Ne! Ne! Ne!

Gelo o horahay te doshel la. Li leske kidya phenla. O horahay phenla:

– A-a-a! So acchilo kale gurunyake? Tase ka lav yavin te chhinav kala gurunya!

I ka len, ka chhinen I gurunya. O shkembe e khulentsa, sekolentsa chhiena les ko bokluki. Thay nakhla otar ekh ruv. Hala katar o shkembe kate o khul. Kova akana ruv, zhala te chorel peske kate o stados, te hal bakri.

Odova vikinela:

– Ey-y-y, ovcharyu! Elan! Tumare bakren chorena!

Inkyona kala ovcharya bare rovlentsa. Goninena, goninena kole ruves, prokudinena les.

Zhala avera mandrate. Li ote kidya. Avere mandrate gelo. Ov sa vikinela: Nashti te lel peske o ruv, katar te hal. Lel o ruv veche..., avdyas bokhalo, tasya bokhalo, nanay katar te hal veche. Zhala ki len, piela pani, shuvlyarela po per. Inklyola ekhe uchipnaste te haroel pes. Pra-a-as! Pharyola o ruv, merla. Zakirnyola. Zhala o garvanos othe. Kwlvinwla otar.

– Sh-sh-sht!

Marela pe vasta. A, kate goniela – marla pe vasta. A, kote goniela – marla pe vasta, dorde mulo o garvanos. Kava khul borkondyas o garvanos. Mulo o garvanos i li o paramisi svwrshindyas.